

CANTIC**SANT TENENAN****ESCOPION,**

PATRON PARREZ PLABENNEC

HA PARREZ AR FOREST.

TON : { *Lochrist ann Izelved.*
 { *Pa zaoulinomp evit kovez.*

Tud devot, Christenien fidel,
 Selaouit ur C'hantic santel,
 Inspiret gant ar Speret-Glan,
 En enor da Sant Tenenan.

Selaouit ive, Forestis,
 Person eo bet en hoc'h Ilis ;
 Selaouit oll, pobl a Leon,
 Escop eo bet en ho canton.

Euz an Irland oa guinidic,
 A guerent nobl ha pinvidic.
 Kentelliou hac exemplou mad
 En devoe a-berz mam ha tad.

Kenta ma oue'n oat da ziski,
E voe lekeat var ar studi
Dindan eun den fur a velec,
A reat aneza Carantec.

N'en doa quet accomplisset c'hoaz
An oat eveuz a drizec vloaz,
Na doa parfet er skianchou,
Ha parfetoc'h er vertuziou.

Casset oue, evit heul he stad,
Da Lez ar Roue gant he dad,
Ha ne oue guelet courtizan
Er palez par da Denenan.

Estimet oa gant ar Brincet,
Caret gant an itronezet,
Hag azveulet gant ar bed oll,
En danger, sioaz ! d'en em goll.

Mes a greiz kaloun da Zoue,
Bemdez en em recommande,
Hag e c'hounezaz eur victor,
Din a veuleudi hac enor.

Eun Demeznel, merc'h eur Gontez,
Plac'h a enor d'ar Rouanez,
N'alle ket en em gontanti
D'he velet ha d'he gontempli ;

Eur bennercz oa, n'e d'oa manc,
Caer ha pinvidic, ha iaouanc,
Hag he sonch a lekeaz ennan,
Ken a zeuaz folles anezan.

Ar Gontez, o clasq engagi
Hon dijentil d'he cureuji,
Offrou, gourdrouzou, kement zo,
A glascaz evit he zeseo.

Mæs, palamour m'en doa gret le
Da viret ar virginite,
E kemeraz evit armou,
An oræzon hag ar iunou.

Digant Doue e reketaz,
Evel eur c'hraç ha faueur vraz,
Ma teuje da goll ar guenet,
A ioa caos m'az oa ker brudet.

Souden e obtenas he c'hras,
Lor e parissas var ar plas,
Hag an tan a vougas a grenn
E creiz calon ar femellen.

Neuze oue libr dezan kuitaat
Euz ar palæz da di he dad,
Ha gant poan oue anavezet
Gant he dud, kement oa chenchet.

Charmant oa clevet Tenenan,
 Ouz ho c'honsoli e-unan,
 Ha guelet ker brao dijentil
 Ker contant gant eur c'hlenvet vil.

Eun deiz, goude he oræson,
 E couezas en eur c'housket don,
 Hag oue inspiret gant eun Æl
 Da vont da gaout he vestr santel.

Carantec a ioa kelennet
 A-berz an Env euz he glenvet
 Hag eur remed en devoa great
 Evit e renta yac'h ha neat.

Evel ma sonjeas touch ounta
 D'he voalc'hi, ha d'he barea,
 He glenvet a zisparissas
 Hag ho lezaz en eur joa vraz.

Neuz' en em strinkas dan daoulin
 Dirag ar Vajeste divin,
 Gant sourci da drugarecat
 Eun Doue ker fidel ha ker mad.

Tenenan a reas adarre
 Vœu da viret ar chastete ;
 Hag evit renonç crenn d'ar bed,
 Belec en em rentas abret.

P'edo guir vella en he vro,
O prezeg ar feiz tro var dro,
Eun Æl a zigaças deza
Urz da guitaat, da guimiada ;

Da vont da gundui au denvet,
En doa bet sant Paol gouarnet,
En eur c'harter eveuz a Vreiz,
EL LEAC'H NA VANK JAMEZ AR FEIZ.

Ar zant, kerkent, evit senti
Ouz urz an Eè, hep ken soursi
Gant bennoz he vestr Carantec,
A ambarkas gant daou velec.

Setu hi o sevel goel
Da vont e-trezeg Breiz-izel ;
E costez Leon eo ez ijont,
Hac e rad Brest e autrejont.

Poulzet ouent gant eun avel gre,
Ractal, e canol Landerne,
Ken a errujont, gant ho lestr,
Dirag Castel-Gouelet-Forest.

D'ar poent-se, an Danemarkis
A droug braz Leonis ;
Mil grueldet dezho a reent,
Ha den ganet ne espernent.

An dud o chom en ho ziez,
 Ne doant ket sur euz ho buez,
 Tec'het a rent a vandennou,
 Darn er c'heriou, darn er c'hoajou.

Forz tud a ioa en em daolet
 E coat ar Forest da guzet,
 Hag er C'hastel e lekeant gued,
 Gant aon na vijent surprenet.

Pa velas hed ar santinel
 Al lestr o tont eün d'ar C'hastel,
 E c'havertissaz a boez-penn :
 « Eur sant zo erru d'on difenn. »

Ar c'habiten eveuz ar c'hard,
 Gant he oll soudardet, hep tard,
 A griaz : « Bennoz, en heur-ma,
 « D'ar zant a deu d'hon delivra ! »

Pa oa diskennet Tenenan,
 Ho c'honsolas holl ker buan,
 O prometti abers Doue
 Dious pep seurt droug ho difenje.

An dud keiz, gant sourci divoall
 Ho c'horf, ho madou dious pep goall,
 O doa lezet en abandon
 Deveriou ar Religion.

Ar Zant evit commodite,
 An offis ha servich Doue,
 Diou ilis a vatissas prest
 Unan e pep penn ar Forest.

Ilis ar Forest oue ar guenta
 A gommansas da vatissa,
 Goude larcoc'h, en douar braz,
 Ilis Plabennec a fontaz.

En daou blas-ma e prezegue
 D'ar bopl christen comsou Doue,
 Hag e vague o eneoù
 Dre voien ar sacramanchou.

E creiz etre an diou ilis,
 E savaz c'hoaz eun edific,
 Pe eur c'hre da ziguemeret
 An dud paour ma racjent tec'het.

E di a vatissas enna,
 Gant chapel da oferenna,
 Hac e etablissas ouzpen
 Eul lez da varn ha da guelen.

Ar Varbaret, leun a arrach
 A guendalc'he d'ober ravach ;
 An oll ilizou a billent,
 Ha netra sacr na respetent.

Ar Zant, kenta ma cleo ar brud
E tidosteont var zu he dud,
En em lacas prest e peden,
Hag he oll dud e pinijen.

Eun dijentil a nopla goad,
Gant armou cre, biniguet mad,
A roaz dezo da gabiten,
Evit ho difen hac ho ren.

Ar c'habiten-ma, gant prez braz,
E Plabennec a vatissaz
Eun dourel rond, gant e avis,
'Vit recur madou an ilis.

N'oa ket gallet c'hoaz sevel dor
Evit serra var an tenzor,
Na ziredaz ar barbaret,
Goaz evit bleizi arrajet.

Ar c'habiten, pa ho guelas,
En he dour en em renfermas,
Gant eur goz rod, e deffot guell,
E stankas cre dor he gastell.

Goude m'o devoa, e peb guis,
Clasquet e vean, pilla an ilis,
En em doljont da glasq antren
En he dour var ar c'habiten.

Mæz Doue, roue an Armeou
A selaouas ar pedennou
A rea e Lesquelen, dan heur,
Ar Zant gant e vrassa ferveur.

P'edont o clasq forsi an or,
Evit antren var an tenzor,
E parissas en ho c'hichen
Eun arme vraz a Gristenien.

Var an tour e veljont ouspen
Eur c'havalier, var eur marc'h guen,
O rei courach d'he soudardet,
Hag eur spont braz d'ar barbaret.

Souden e kemerjont an teac'h,
Hep ober arret e nep leac'h,
Ha pelloc'h, ar ras milliguet
Var douar Leon ne oue guelet.

An Autronez incontinent
A drugarekeas oll ar zant,
Da veza delivret ar vro
Diouz tud ker criz ha ker garo.

O rei da ilis Plabennec,
Gant eur galon anaoudec,
Douarou, hag heritachou.
Guiriou caër, ha privilejou.

Eur seurt flambos ne dlie ket
Chom dindan ar boezell euzet ;
Lakeat voe var ar c'hantolor
A ilis Leon gant peb enor.

Dre ma zoa partout enoret,
Sant Tenenan a voe choazet,
A vouez an ilis hag ar bopl,
Goude sant Goulc'hen, da Escop.

E guenta soursi oue sevel
An templou, ar plasou santel,
O devoa an Danemarkis
Pillet, ruinet e peb guis.

Da peb parrez e roas timat
Pastoret ha beleien vad,
Da sicour cundui an denvet
En-doa dindan cont kemeret.

Cresquet ma oa he zignite,
He vertuz a greskas ive,
Beteg ober miraclou braz,
Ha kent, ha goude ma varvaz.

Ker patant voe anavezet
He santelez, m'e kemeret
Da Zant en Escopti Leon,
Hag e Plabennec da Batron.

Ar c'huezecvet a C'houere
An deiz ma zeaz dirag Doue,
E rer e c'houel hag e offis
E calendrier Leonis.

P'eo bet hon tad, hag hor pastor,
Celebromp he c'houel gant enor,
Hag imitomp he vertuziou,
Ma veritimp he bedennou.

(Réédition par M^{re}
Le Jeune, alors
vic. à Plabennec)

